

Nuuk ulloq 15. oktober 2010

IMAQARNILIAMUT MISSINGIUT

Politikkikkut Ataqatigiissarisut Namminersorlutik Oqartussat KANUKOKA-llu akornanni aaqqissusseqqinneq pillugu ataatsimiinnerat septemberip 15-ini 2010 nal. 16.15 – 17.30 Naalakkersuisut ataatsimiittarfianni.

Ataqatigiissarisut ilaasortai:

Naalakkersuisut siulittaasuat Kuupik Kleist, siulittaasoq (Kuupik Kleist peqataasinnaanani nalunaarpoq)

Naalakkersuisunut ilaasortaq Anthon Frederiksen

KANUKOKA'p siulittaasua Enok Sandgreen

Qeqqata Kommuniani borgmesteri Hermann Berthelsen (videokonferencikkut peqataasoq)

Jens B. Frederiksen (Kuupik Kleist-i taarserlugu)

Ullormut oqaluuserisassat siunnersuutit:

1. Ullormut oqaluuserisassat akuersissutigineqarnerat

Imm. 1-mut.

Akuersissutigineqarpoq ullormut oqaluuserisassanut Hermann Berthelsen tulliani ataatsimiinnissamut kommunit aningaasaqarnerat pillugu ilanngusserusuppoq. Hermann-ip borgmestereqatini ataatsimeeqatigeqqammerpai tassanilu isumaqatigiipput kommunit aningaasanik isertitaqarfigisinnaasaat misissorneqassasut aningaasartuutissaat kisiisa isiginagit.

2. Kingullermik ataatsimiinnermi imaqarniliamut siunnersuutip akuersissutigineqarnera

Imm. 2-mut.

Enok Sandgreen-ip ujartorpaa ullormut oqaluuserisassat ilanngussallu sapinngisamik piffissaqarluarluni nassiunneqartassasut taamaasilluni piareersarluarnissamut periarfissinneqartarluni. Anthon Frederiksen-ip tamanna isumaqatigaa oqarlunilu piffissaqartitsilluarluni nassiunneqartassasut kiisalu pappiaqqat ilanngussassat suut nassiunneqassasut aalajangerneqartassasut.

3. Piffissami aggersumi suliassanik nussuinissami tunngavigisassat (Takukkit: Kommunit pillugit Nalunaarusiaq aamma Teknikkimut avatangiisinullu suliassaqrarfiit tiguneqarnissaannut kommunit tullerriiarinerat, KANUKOKA-miit)

Imm. 3-mut.

Anthon Frederiksen-ip Kommunit pillugit Nalunaarusiaq innersuussutigaa nalunaarusiamilu aalajangersakkat tunngavigineqartut inatsisartuni tusaatissatut tiguneqarsimasut. Kanukoka-p tungaaniit oqaatigineqarpoq aningaasat atorineqartussatut akuerisaasut Aningaasanut Inatsimmiittut suliareqartunut sanilliullugit oqimaatigiinngitsuusartut. Naalakkersuisut Aningaasanut Inatsimmi aningaasat atorineqartussatut akuersissutaasimasut tunngaviatigut suliassanik nussuinermi malittarpaat tamannalu Naalakkersuisut piginnaatitaaffigaat. Kommunit suliassaqrarfiup annertunerusumik aningaasaliifigineqarnissaa kissaatigigunikku taava taassuma saniatigut Naalakkersuisut isumaqatiginninniarfigisariaqarpaat.

4. Kommuninut suliassanik nussuinerup killiffia:

- a) Isumaginninnermut Naalakkersuisoqrarfik (Ilanngussaq Naalakkersuisoqrarfimmit)
- b) Peqqissutsimut Naalakkersuisoqrarfik (Ilanngussaq Naalakkersuisoqrarfimmit)
- c) Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqrarfik (Ilanngussaq Naalakkersuisoqrarfimmiit)

Imm. 4-mut.

Ataqatigiissaarisut suliassanik nussuinissap killiffia Naalakkersuisoqrarfiit nassiussimasat paasissutissat tunngavigalugit oqaluuseraat.

Tassani assigiinngitsut oqaluuserineqarput ilaatigut sanaartorfigineqartussatut nunagissaaneq eqqakkat aqquaat, pilersuineq, ulloq unnuarlu paaqqinnittarfiit, annertuumik innarluutillit paaqqutarineqarnerat, imigassamik atornerluisut katsorsartinneqartarnerat, siunnersuisoqrarfik (PPR) aamma annertusisamik immikkut ilinniartitsineq il.il.

Annertuumik innarluutillinnik isumaginninneq kommuninut siulliullugu nuunneqassaaq jannuaarip 1-ini 2011 aamma periusissaq 2 tunngavineqartussatut siunniunneqarpoq. Imigassamik atornerluisut katsorsarneqartarnerat suli nuunneqarnissaminut piareersimannigilaq tamannalu tunngavigalugu KANUKOKA Namminersorlutillu Oqartussat peqatigiillutik qulaajassavaat katsorsaaneermik suut pisariaqartinneqarnerisut kommuninut nuussinissaq pitinnagu.

Siunnersuisoqrarfik (PPR) pillugu oqaloqatigiinnerit nanginneqassapput kommunit tamarmik suli tigusinissamut piariinngimmata. Ilanngullugit oqaloqatigiissutigineqarput periarfissaqrarnerisut suliassaqrarfiit ataasiakkaat tullerriarlugit kommunimut ataatsimut arlalinnuunniit nussorneqarsinnaanersut taamaasilluni suliassaqrarfiup nuunnginnerani misilittagaqalernissaq anguniarlugu.

Isumaqatigiissutigineqarpoq allaffissornikkut ataqatigiissaarisutut sulisitat suliassaqrarfinnik nuussinissamut piukkunnartunik suliqaartinneqassasut tamannalu sukkanerusumik suliarissa-

gaat. Piffissalersuineq suliarineqassaaq taassumalu ataani suliassa qarfiit sorliit nuunneqarnis-
saat innersuussutigineqassallutik. Tulliani ataatsimiinnissami nussugassat suut siulliunneqas-
sanersut kiisalu piffissalersuinissaq oqaluuserineqarnissaat siunniunneqarpoq.

5. Suliassanik nussuinissami amigaataasunik eqqartuineq

Imm. 5-imut.

Imm. 4-imut innersuunneqarpoq.

6. Tusagassiutinut nalunaarutissap akuersissutigineqarnera

Imm. 6-imut.

Tusagassiorfinnut nalunaarut akuersissutigineqarpoq ilanngunneqarluni suliassa qarfiit ataa-
siakkaat tulleriarinikkut nussorneqarsinnaanerat periarfissillugit.

7. Ataatsimiinnissap tullia

Imm. 7-imut

Tulliani ataatsimiinnissaq naatsorsuutigineqarpoq oktoberip naalernerani Kanukoka-p
Nuummi imikkut ittumik aallartitanik ataatsimiisitsinera iluatsillugu.

8. Tamalaat

Imm. 8-imut.

Anthon Frederiksen-ip Enok Sandgreen-illu qaammammut ataasiarlutik ataatsimeeqatigiit-
tarnerat nanginneqassaaq